

點蒼山人詩鈔

點蒼山人詩鈔卷七

雲南叢書集部之三十五

太和沙 獻如

發龍關

浩然發龍尾憶切少時年心有功名計身爲父母憐頭
顛僮更老奔走債猶纏身世邊隅遠勞生屬定緣
小兒強解事逐我伴舟輿離別難爲母平安囑報書奚
囊經籍負洛誦路途徐人事如陽鳥時飛台自如
老友老能健江淮續舊遊平生揮霍意不作旅人愁把
酒雲山共對牀今古籌餼驅與結駟無住卽風流
無限關河柳條條盡向東梅花山石坂迢遞好香風慄

慨誰驅我綢繆舊惱公古人莘渭老作麼卜窮通

青海鋪大雪

雲暗青華海飛雪浩漫漫茅店沽海酒僮僕醉闌珊
杲曙霽日萬山浮緲綿層嶺陟冰凌流澗鳴潺潺玲瓏
錯崖壑峭嵒晶瑩天林莽翠蒙密刻玉森檀圍矯矯千
玉龍騰拏松岑巔寒鳥哢晴景蹴羽花翩翩夾路紅山
茶璀璨餘光妍地氣不嚴寒行旅殊坦然異境擅僻遠
緬茲天地寬極望而千里庶幾償豐年挈壺屬老友苦
樂付一樽

黑龍潭值老梅盛開感懷舊遊用壁間芷灣太守

韻次之

黑龍潭上老梅樹幾度看花四十年
年年花開燦紅玉
老幹鬱屈龍雙眠
少年意氣遊上舍
五華春早花含烟
高山良駟周迴盤
花情藻思相愛憐
逡巡不竭酒家錢
酒徒詩侶何翩翩
一從薄宦各奔走
雲搖雨散塵漲天
花晨月夕憶往事
難忘勝概花蕃鮮
崧雲不歸笏山死
同研同年戴聖哲朱奕簪皆詩家好手
使我愁思纏肺肝
我歸點蒼又十載
滿鏡白髮黯消魂
閒居鬱鬱發遠想
等閒重山疊水間
磨牛步步踏陳跡
名山勝友心相關
老梅作花如笑我
我老何似花不言
低回酌花別花去
天涯萬里誰驅

奔人生執著風處禪水行習坎天行雲鴻飛東西那復
計花前一醉緣分存亭臺簫鼓日增盛老梅落落高輪
困繞廊拂壁醉叉手詩成啞啞梅即聞

東大路中

山田處處趁春耕垂老年華萬里行道水平山饒轉折
斜風細雨半陰晴長林夾路花如海野店挑帘酒當情
盡日催春幽谷鳥干卿何事一聲聲

飛拂楊絲路正東春光可奈只溟濛熒熒禮李寒烟裏
禱禱天桃細雨中鎮日攝心長寂寂良晨予我不匆匆
看花又到交河渚難憶鴻泥舊爪踪

勝境塘題壁

回首西南萬遠岑
幾人把定故園心
罡風陡揭籃輿起
霧雨平分界嶺陰
冉冉入天春草碧
悠悠出岫晚雲深
石虬亭下鱗皴石
閱遍征人自古今

松歸寺

擾擾逐蹄涔
到來生靜心
竹陰初徑轉
松翠一樓深
風定碧旛影
山空春鳥音
頓忘前路遠
返照入嵌岑

茆口渡

蕩蕩盤江渡
哈呀萬壑聲
水痕摧壁斷
崖塹出天橫
想見洪荒始
由來大地平
滔滔趨日下
世界若爲情

· 繁花塘道傍石

簇簇小湖山玲瓏百疊連一峯一窩竹半水半平田蒼
翠猶含雨迷離欲化烟平泉多少石不似此安然

霧晴

林巒漸遠披曉霧閃迷離得霽已多日逢仙應可期泉
飛深竹響山作夏雲奇恰好茆亭子花邊酒一卮

石板房

浮嵐艷晚霞點點落村鴉石屋千家雪油蘆一塢花店
門嘉樹老宿客鬢霜加呼酒支窗起叢巒聳聳了

貴陽桃李盛開

桃李滇山路芳菲日溯洄東來屬春晚迢遞看花開金
縷誰家曲關山客子杯南橋千樹柳占斷好亭臺

飛雲洞

每到飛雲洞飄飄思欲仙洞雲飛不墮客路我依然古
木穠新翠遙空響瀑泉陽明一片石也似我流連

黔中謂嶺爲坡無日無之而四處爲最肩輿歷碌
中爲四大坡詩

離離山上松送客松歸塘青松漸不見巖石鬱蒼蒼蒼
蒼下無底瀕洞洪河水石磴紐迴盤古壘側磷磷此實
南車坡南車自茲止回身仰來路上去青天咫尺青天路

可通也有行人踪我行復何爲非商復非戎少年馳驛
騎一抹千山快今日籃輿行山勢吁可畏等知所見非
志意移衰憊叱馭與回車古人各制義吾道屬艱難踟
躇欲焉寘

南車坡

數數黔中行憚此陰巖路陰巖如老鷹側首青天覩垂
路儼鞴繚行人拂其喙上出雲背寒下聽溪聲怒步步
折盤旋不離老鷹處慄慄駟騎危惴惴征夫懼茫茫大
造心阻茲亦安作我聞道路言此路曾非故古路出其
西中經黃厰駐坦夷復便捷直達茅口渡黃厰有溪橋
夏秋山洪注兩岸摧林木往往掣橋去橋廢路亦廢資

力難取足從此鑿鷹巖慘淡費籌箸於今近百年彼處
猶嗟語地運有流遷生齒日繁庶老林開作田無復沿
溪樹何當更作橋安流靜沿溯人情膠柱多因循坐塗
附誰爲有心人大力副舉措變通與時隨疾苦爲人慮
利濟茲百里福德無算數

老鷹巖

西下老鷹崖東上拉帮坡崖即此較險坡也其云何夾
河三陡轉變眩百折多橋頭仰磴道鱗鱗蹕奔蛇出沒
畫烏亭上與青天摩得半半坡塘飽食中火家俯案視
面山面山青盤陀轉面視背山背山煙雲窠路出背山
陽石壁蕩無遮醜惡如敗墻丹黃墨粉塗直上十里強

得間開微窅岌岌打鐵關彌望紛雲霞鷹崖兩對面負
勢相驕誇下覽四山隙盤江百支沱遠近可生情何必
徑此過始或苗寨通繼且力役加相襲用爲路誰復計
其他世界勞塵結結習人自置茫茫四遠愁於路云何
嗟拉幫坡

山前大石高盤陀百歲老人拂衣過以衣拂石有銷磨
重重劫量人奔波佛言石盡劫乃盡微塵妙析塵塵多
人不拂石石奈何芥子須彌法平等虛空一視誰礙他
行行大笑相見坡

相見坡

思州張壺山太守話別

一夕杯觴惜解攜，匆匆心事話雲泥。
春風送客思州水，不斷青山下五溪。

枉渚

斷續青山綠樹頭，嘈嘈雪浪五溪舟。
武陵一片桃花水，烟渚濛濛溯不休。

雲煙漠漠遠山痕，岸草芊綿渚樹昏。
賈傅祠前春漲雨，等閒行客也消魂。

野泊

渺渺孤篷泊翠巖，中流烟暝日西銜。
青山摺盡瀟湘水，錯認來帆是去帆。

蘆溪口別楊允叔

水驛山程四千里一聲柔櫓各分馳
春風處處吹楊柳那得人生無別離

計日南風到皖津白頭健飯莫須嫌
煩將野鶴閒雲意答我江淮見訊人

湘雨

點點峯巒翠不皺水禽山鳥共啼春
幾家茅屋新篁裏細雨冥冥不見人

岸花

耿耿虛碧渺無涯傾盡湘醺味漸差
兩岸紅絳多不識

春風開到忍冬花

望衡

湘行計五日細雨春濛濛東風吹晚晴南天開寵從瞳
瞳曙霽日黛影百千重溯流移橫側蓓蓓青芙蓉楚山
萬培塿拱揖儼兒童小縣古蠻服光耀臨重瞳夏后刻
巖石邈茲承帝功上公秩朱陵玉帛虔深崇靈境穆幽
邃涵孕浩無窮邂逅合仙緣遠懷啖芋風跂望近咫尺
客程苦匆匆小泊雷溪口了了見諸峯斷續西南迴搖
曳行雁同圖經證恍惚心知口難從昌黎昔所禱慶快
難屢逢低回立帆影慰我浮萍踪

柳江口

衡雲馳送客蒼翠極天深
楚樹蓬蓬綠山禽裊裊音
人逾飛雁遠心拙羨魚臨
未盡湘流溯斜帆又轉潯

樂昌夜對月

沙明峭岸陰璧月碾平林
客子懷無寐天邊意共深
汗漫期海嶠山水鬱韶柳
混跡陽居子虛舟樂自任

講樹堂老榕樹歌呈高青書太守

晴烟繞榕青濕霧浮榕白
海雨浹旬日潮音在榕葉
榕陰起堂敞且閒青書太
守移養痊我來寓我西榕
間紅蕉丹荔花木綿忽籠
百畝風軒軒鳥聲百雜殷
綿蠻翻

行榕根曲綠雲垂地盤欽感暮凭榕下欄冰輪軋露凝
輝寒太守爲言茲堂始前年修廢空遺址那能當劇事
遊觀爲惜雙榕蕩無倚寧知此日炎海頭與君談笑清
陰裏人事從來詎可期火雲處處總攢眉彷徨廣莫莊
生樹盡日榕間妙用知

簡仲柘菴明府

齡年習讀孔氏書七十諸賢日咿唔鷄冠獬佩見勇士
凜凜浩氣雄萬夫折節門墻大道趨直肩世任無趨趨
蓬車歷聘在在俱千乘兵農誰借手骯髒小邑綜賦租
春風桃李垂東蒲鬢鬢於變錦京初勇聞服過想風概

頑廉懦立長心摹誰知二千有餘歲鬢鬢裔裔逢海隅
番禺大縣重借寇東莞萬眾扳轅呼兼人智勇類先子
一洗世論輕儒迂舊篇新詠見整暇民風治譜垂道腴
前日邂逅乍傾倒油油疑義生嘻吁孔門諸賢例作宰
豈真有例常拘拘古宰臣侯今臣帝海隅重寄逾前模
卽今方面跨千乘猶階牧令爲之途愧我迂踈茶一蹶
眷眷爲我情腳踏冠纓羅縠共當暑裘馬舊願今不殊
我詩鹵莽翻見賞有似齊宣耽眾竿萍水茫茫心胆麤
交遊萬里道不孤識韓荆州寧此如

環翠亭曉步

榕葉下餘雨晴聲啼曉鳩清涼濃海潤延佇有天游著
迹吳虞遠功名漢陸收由來皆際會各自力沉浮

七夕

統統重城鼓聲沉海氣懨秋生拋葉雨香冽過花風天
地水輪際人仙想綢中雙星今夕會作麼話幽衷

廣州雜詠

絳顆醲香湛玉晶親嘗遙擬各殊情曲江一首離枝賦

合儷梅花宋廣平

荔枝

浮涼颯颯海風來萬綠梢頭月正偃一片紅塵飛欲定

虫聲淒咽越王臺

晚步

提戈二百里徒步橐筆十九年著書翫醜英雄閒種樹

緲綿桑海舊遺居

虞苑懷

說食何能便飽人語言文字枉勞神行師不說開泉話

一窖黃金利用真

達摩井

風旛堂上好涼颺藥智菩提古翠垂衣鉢得來才剃度

誰堪寒夜力春時

風幡堂

珠海烟波塔影重招提寥落不聞鐘清陰散入滄桑裏

猶在東坡誌六榕

六榕寺

一泓泉水飽姑遺本與貪泉事兩歧南漢不容人汲飲

可憐據得幾多時

飽姑井

琉璃珠貝藥香材耀眼繁華悶不開可道五仙明白意
羊頭只帶稻禾來

五仙廟

花田簇簇玉鈎斜花媚人香人媚花何似百花孤塚在
興亡不咎美人家

花田

蕩蕩冰輪碾玉波海珠亭子壓星河珠娘翠艇玲瓏影
楊柳蠶排夜唱歌

海珠亭

荔枝灣上舊宮基當日波斯女共嬉應笑太真風味滅
猩紅露滴一枝枝

荔枝灣

風馳霧捲海潮聲舞竹掀蕉脆響并萬井蘊隆甍一雨

墨雲中斷月東生

風雨

敢好今朝風路涼五層樓上澗蒼蒼船如亂葉入如蟻
點點青山是外洋

鎮海樓

隆隆燄藏鬱南荒飲雪山城憶點蒼日似兒童饒索菓
多羅橄欖借甘涼

雜菓

炎天最是杏花好花到羊城百用能蛋女笑擎茉莉扇
珠兒巧競素馨燈

市花

滴滴嬌紅紅豆枝知他何事號相思青虫媚蝶裝釵朵
直恁難消愛戀私

紅豆

安期鴻遁已冥冥海上青山處處青採得菖蒲沿澗洗
仙人雲影過前汀

蒲澗寺

甘始由由三百春炎荒疵厲息凝神作金萬萬都拋海
能絕慳婪不饜人

神仙軼事

八桂林東象郡西何來桂父躡雲霓應悲世態常如幻

黑白青黃是滑稽

桂父

廣慶樓臺爛錦溪和光有洞綠陰迷仙人未了嬉遊

却道青雲別有梯

峽山寺

喜遇前皖尉姚念初主簿

聽語驚相似披衣是故人相看俱老健莫話舊艱辛過
嶺笑奇想集緣知定因海天好渡夏寓覩無涯新

簡戴東塘司馬

老榕庭館翠籠陰
數數談詩暑不侵
才力到君猶細律
頽唐如我是
噍音每當說
士情甘肉怪
底宜民矩在心
汝水滇池入
萬里衣香濃
郁海南沉

送別羅月川司馬入覲

洱水西流滙鹿滄
點蒼蒙樂兩相望
未曾識面聞詩好
恰到談心別路長
嶺海幾經廉卓魯
功名畢竟說龔黃
早霖遠慰閒雲想
莫爲鄉人憶故鄉

鐫詩有憶姚武功句

自算少人看

姚句入聲用

昔人茲意同
異同同一慨
老纏筆

頭中風月無凡聖
窮愁有變通
虛空飛鳥跡
廓落點虛

空

佛山鎮

風潮颯颯漲沙灣
喔喔雞聲唱佛山
賄海人山殘夢裏
扁舟飛過月明間

江野

竹杪平山綠一痕
江風吹暑雲渾渾
水牛拂拂弄江水
幾個兒童榕樹根

月夜

漸漸星河睽閃空
一樽雲散月朦朧
玉輪銀海無栖泊
誰取山煙片影中

端溪

佳毫良墨視須精
百事牽纏識字生
何物大德報渾沌
離離翠峽遭鑄坑

綠荔枝

迴合山藍浸碧漪
閱江亭下挂帆遲
人生饒口無禪境
心醉端州綠荔枝

楊安圍太守餞飲

四百羅峰熄燹煙
鹿輜華實嶺人傳
同袍舊誼徵難弟
青眼高歌惜暮年
畫閣涼生山似玉
端溪東下水如天
交遊落落萍踪遠
難把離杯擲玳筵

感韓春峰子人仲見訪

我昔見韓子婉婉頭玉隆今日見韓子犖犖似而翁我
悼而翁奇厥治少人爲能使鳳陽民道路不拾遺天志
澤童土寧計爾輩饑前月先爾來符離傅牧子老傅出
玉門小傅侍萬里涕泣言乃翁歸蜀兩年死知已二三
人一一囑小子廣守瑞塔翁急難可依倚昨始資之歸
爾來幸及此且復免倉皇與爾策短長爾兄死微祿毋
視重慘傷投故覓搬資迢遞越閩疆閩浙指青齊積腋
謀舟航此事測人心此志足爾償所悲廉吏子流離走
炎荒優孟抵掌歌千秋同慨慷炎荒亦何恤慎茲風雨

欒莫言一樽酒與子抵鬱結故人不可見見子心感悅
茫茫世界思廣廈竟何日

羅臥雲山水歌爲題竹隱小照

老莊告退山水起此事豈真風氣使崇深幽茂樂性靈
詩篇妙奪清談壘一時變調寫丹青畫人置向巖窟裏
是中那復形迹拘山林廊廟通神理我生強半走天涯
野人面目塵埃加名山大川適遠興舟車馬足酣雲霞
雲霞日變幻渺渺難竟言何如臥雲子迢遙得我先橐
筆江湖幾千里王宰真跡留人間金碧照耀堆二李老
筆礪礪披荆關有時墨汁揮老米時復雲林靜瀟灑寫

出高深注目時一
二江山聽喝采奇
字門前送酒多神
仙遊戲君無乃日
前遺我海山圖波
濤萬狀羅蓬壺今
日示我簞簞谷奇
情自寫人如玉鬚
眉映發菁菁竹竹
中張豸古高風快
意茲遊萬里逢

琢研歌戲呈青書太守

陰陰榕葉垂當庭
淙風澌澌琢研聲
廣州老守情經營
長圭圓璧方觚稜
見鑱於山神其形
蘇坑麻坑老官坑
東洞中洞大西洞
次第品詮西洞重
旁開側入老坑底
上聽江濤愁地縫
地脈全收萬里山
精靈悶惜難窺鑄
前年守瑞值封洞
崎零遮拾生雲煙
個是底坑蕉葉白

蚰光火納消紫赤個是魚腦個青花五綵花釘金絡繹
人間競辨鸚鵡眼眼成亦有雜坑石老守說石興淋漓
兒僮竊語笑守癡廣守人人巨萬貲舍金不取取頑石
珠珊犀貝無銖鎰卽今卸病病何病病在嗜好與人歧
老髯談諧謬設詞呼腸太噉石纍纍乞我一石酬以詩
唐李長吉非真知

別筵簡左杏 觀察

島霞曠日炙胭脂使者乘風到海湄十載雲泥頭並白
一杯離合酒重持繡衣蠻嶠功名晚野鶴寥天寂寞知
老境倍增朋舊感開帆明日是相思

瀕行尹莊之自澄海來得一夕談

二十餘年彈指頃九千餘里共車塵長悲大戴遲歸骨
切憶南荒遠宦人大海那期萍水聚好風吹到蓋雲新
茫茫無限交遊感可奈秋宵漏點頻

曉月

炯炯疏篷白推窻月出山羊城珠貝地蟻夢渺茫間
世曾何與觀生好是聞一聲淒桀格飛向綠雲灣

白沙望七星岩

榕葉陰陰荔峽灣小峰重疊水雲環擬將十斛青螺黛
畫取星岩七個山

點蒼山人詩鈔

卷七

五

封川曉發

蓬蓬篠蕩籠平蕪
林外炊煙宛轉鋪
水複雲重千嶂窈
青山何處古蒼梧

夜雨

孤蓬秋雨夜蕭蕭
夢裏功名上碧霄
二十餘年情境在
蕭蕭篷底夢漁樵

見鴈

山隔衡陽有鴈來
蒹葭露白水雲開
天涯未了懷人意
日日青山與溯洄

過歐陽伯夷師墓林

一叨知遇擬登仙僕僕塵埃四十年白髮門生雜絮酒
秋風初繫柳江船

涪州

萬嶺鬱難平雙江強滙并石稜高絕巘洞古巖灘聲路
古南交宅疆開下瀨兵乘成途轉徙忘却險中行

曉行

落月半江明殘煙籠樹輕遙山深似墨是我過來程羣
動知天曙勞生共此情扁舟娛曼衍軋軋早榔聲

勒馬墟

秋水初消漲人煙寂寞濱危岑懸岸落出石亂雲斂世

事知聞隔山鄉素樸真垂垂篔簹竹異敢好係舟頻

柳州

勝遊窮險坦心醉此行舟天地饒花樣清奇構柳州翦
雲分石巘疊篆寫江流欲覓神仙問瀛壺似此不

蝨舟

荒山滿江滋墾種儘堪籌艇艇饑寒色全家風雨浮廣
生無量界結習自迷頭白鷺窺清水空林何所求

懷遠東津

人家深竹裏谷響應朝春岩疊層層石江穿嶮嶮峰秋
蕎晴雪豔沙蕉曉煙濃漸漸逢苗艇來源山萬重

老浦

錚鏦擊榜聲瀾瀾霧裏行
朗日東峰轉迴雲一塢明
嶮夷馳過景瘴癘息忘情
紅樹重重色秋妍入遠晴

丙味對月自嘲

繫纜鄰鄰月船頭兩度圓
乾坤何處水歷涉就衰年
隨分漁樵樂忘形道術偏
壯心何所用蔡誕自詒仙

理稿

飽食無此事捲帘看上灘
詩成記里鼓月進累丸竿
郊島搜枯澁風雲拙羽翰
等知時運使不覺入酸寒

古州

車書荒服遠城市古州新榕木深岳聖源泉洞石垠苗
駒蹄踣蹶夷女項垂銀換却長帆艇嘈嘈弄小艖

三角屯

三角屯邊水舍舟登路歧掉頭思海嶠納芥互須彌細
菊沿行徑霜柑摘薦卮適然成興趣雲起過山遲

客路感興

黔山霧如積細雨時濛濛岩谷飽蒙沈涓滴盡流東發
蓄起南條輸轉九域同入黔不百里沸鬱行舟窮勞逸
異源委財力殊匱充萬物齊不齊稷稷出化工天道屬
運行地道屬涵容人道屬有爲我我成自壅聖人戒嶠

客一澹大源通

勇行擔家具女行負小兒老人拄短杖童兒薄攜隨晴
煖日一舍雨雲奔村扉問言何處來沅湘及五溪問言
去何所南籠泗城西連連包穀山山深雜崗坡老林大
荒數開墾無盡期豈不懷故鄉庶得飽粥糜情殊黃鳥
怨亦非碩鼠悲天地大無量皇仁洽重熙萬里如逕庭
民心安磁基我昔見此事四十年於茲日計百口逢歲
計萬家移年年迄如此算數已難稽想見包穀山煙火
遍蕃滋有心世道人此事須周知

日日逢鄉人舉舉公車子裘馬耀荒途雨雪不遑止行

當噉綾餅翹足公卿擬少年盛意氣躍躍興如此我昔
亦如此歷歷同榜人貴顯曾幾何碌碌半風塵彈指四
十年寥落星向晨人事百不齊感往徒酸辛來者日以
新既來日以陳悠悠古今宙名利驅沈淪

果蘇有紋理卷石亦皴璘大地列山河高下成相因相
因各異鄉各自適徜徉誰使遠遨遊跋涉情所當神仙
世出世飛騰或不妨水食不易淵草食不易藪與夫爾
何辜與爾一杯酒

繞座看店壁稷稷題壁詩狼藉恣譫讕往往堪笑嗤行
人屬有懷巧拙皆情詞所厭無情子有韻轍和之疥墜

豈不惜主客難相非歲終例粉飾贈之一拌泥拌泥與
籠紗俗情同一揆此事屬雅則流極不可維聖人存國
風不遺婦孺卑人才萬不齊於此肺肝披唐人試帖括
亦徒春華滋於時重行卷得人實賴茲撚鬚摸海枯又
復可憐痴

晴景市城嬉雨雪荒山走豈不念苦寒卽事因循久因
循何重輕牽掣聊復情時節預可知倍道猝難行由來
神仙者所仗慧劍成

每過嵩明道愛遊徵君祠松翠豔湖山槃阿清鬱猗先
生徵不起偃仰吟新詩新詩如春風春波澹溶溶忽發

軍中謀與人成大功軒冕照閭里高義媿隆中伊昔麓
川役連年徵調亟統軍誠可人搜訪到山澤祠宇舊煌
煌固非茲事力茲事在徵君曾不加寸分鄉人謬流傳
迂怪雜以神向非新都楊數詩已無存緲緲碧山雲聲
利兩微塵

杜允亭招飲浙僧初粉寓庵皆滯黔久矣

快意杯觴怎放空浮萍離合長短同雲山不竟青天外
霜鴈低迴朗月中五嶽尋仙難了妄千鈞射鼠莫論工
粉師也厭葫蘆繞一舸何時下浙東

抵昆明呈寄庵前輩

出山不無心中道自回翔白雲隨天風東西適飛揚行
行抵南海嶺嶠披炎荒故人髯太守卸病歸夜郎杪秋
酷暑徂同溯粵江航蒼梧弔古帝柳柳酬心香山水奧
離奇興會逾平慶更期夏首月共道遊華陽出隴望京
華驅車下太行閒雲與霖雨各自籌所長却顧無定操
垂老猶猖狂黔中今便道駕言省故鄉故鄉何所樂在
遠不能忘所樂見夫子證羈開迷方爲我正聲詩爲我
畫行藏前日大雨雪連山堆琳瑯透遲界嶺行及茲元
正良去來恰一載得詩近百章再拜壇坫陳槁草晞春

光

即園看梅花贈李古亭

梅花百本詩一樓客來哦詩花滿頭去年詩篇我遍讀
今來滿壁新唱酬我行萬里塵埃涅濤海天風吹不激
君詩句句噴寒香人與梅花瑩冰雪偉哉蘭鮑居氣移
人生何似此栖遲楊州官閣蜀江苑輸與即園無別離

安寧宿溫泉館

松竹蒼澄波擊楫蕩山影勃鬱溫泉氣夕月晃雲頂磅
礴入暖雲村醪厚酪酏溶溶碧玉池誰熱丹砂鼎涼熱
得中和石牀狎清迥月華散軒櫺晶宮沿炯炯塵垢本
無實體性默自省漠漠大虛圓太初見渣滓

雲濤寺七穿岩

平沙淨如拭聯巖疊不已岩穴互出入青天落石底誰
日一竅鑿渾沌不能止嵌空偃峰稜餘鍊補天阨雲濤
古蘭若奇構雷音擬一舸螳川遊水因得謬解谷暖曉
氣和岩花滋紅紫層苔漫題壁茫茫迷往載到來移人
心此意山不改幸無塵鞅羈遊樂復奚待

靈官橋廟

鼓鐘匄匄燭花紫前稽後拜交頂趾達官獻額金煌煌
野人割牲血灑灑長橋阨路神威靈雞塲蜀蜀驅煎烹
重廊像設古創者峩冠博帶塵昏凝治民無術假神鬼

詭習諂習交煽增神業鬱湮詎得解物命暴殄無消停
爾祝何人禿者僧爾揚揚據香火無人爲舉破竈墮

早燕

長河一曲柳煙開金縷條條綠暗催却愛繞堤新燕子
是他處處帶春來

過袁葦塘大令暨殉節王孺人墓田

哦詩老態尙翩翩一令沈淪四十年雅調自翻琵琶筑

奇緣疊證鬼靈仙

素能以俗樂彈古曲前妻稽氏死發靈異與談論死生鬼神事甚悉并慰

以致政期遙月餘始逝調繁豐潤衰病欲告遇仙授藥刀圭復壯健猶思郭路重攜手可

道青山遠偃然更異彼妹甘殉死從容題壁斷腸篇孺人

貴陽人年二十四麗服黓粧
死之題壁詩十絕極哀婉

過一真院德昌上人影堂

了得無生死亦無不須大耄嘆師徂爭他慧命人天續
示我微言藥病俱空堵葱蘢松徑窅影堂風雨穗燈孤
作家一個重難遇却惜名藍是濫竿

散疾

積疾難銷過去程閉門花落草青生喃喃燕語簾垂暝
的的蛛絲雨判晴意緒無聊牽藥轉神仙可信要金成
遠遊未分催人老猶滯湘帆弔古情

歌觴

披離芍藥滿雕欄惜取春光及未闌白髮味回金縷唱
蛾眉紅豔霧花看絲絃雜出銅琴脆酪酏清消月鏡寒
漫道色香俱是幻當歌對酒更歡歡

雪柳

樹僅見於山麓諸寺皆甚古花時以蘸瓶插
有致因憶前輩詩社咏之惟楊先師輕籠翠
幔一痕月碎翦冰絲萬縷煙之
句最工餘忘之蓋四十餘年矣

清蔭古蘭若離離雲影垂柳枝縈雪絮花樣翦冰絲僻
壤異材老幽香明月知寒芳酬好句憶我栗亭師

擬古

捧上塞隕河一簣亦輸懷鑄錘不在手拮据空徘徊却
循人事本衣食貴賤皆錢神利流轉盈絀亦需才自從

銀幣興事變日益開生齒浩繁增刑政相狗滋公私迫
區用油油成漏卮老子倡清淨嗇事以爲基遏流在澄
源變化無常蹊深心平準警貨殖同悽悽

感懷舊友于素行

往事不可憶破楫支洶洶遠人不可思患難爲駑蝨慷
慨合餘燼四禦剽者攻義分界必爭號呼懾蠱虫意氣
感當路直道回昭融從茲萬里道脫身荆棘叢我家若
水西君家江水東何日更攜手浩浩長江風君門駟馬
千祖德忠勤公幕食理錢穀身世亦云窮何來值衰落
主客適相從故笈墨千紙牛毛細茸茸一一故人心拂

披淚聆蒙君耄復何如無由消息通迢迢海門江金焦
咽我胸

得青書太守書示不復出意

迢迢故人書一別數月駛報言出山期浩蕩不能擬網
繆巢雨鳩晚鷓鷯喜鄉居人事生蟬聯劇葛藟却願
霜鬢鬢行行復止止緬懷國士恩進退感知已君進始
無感我進感亦難一令庶僚底悻悻成瘡癥孟魚有時
羨貢冠難自彈平生讀書懷決絕非所安遙遙欲濟舟
迴風拂波瀾印須懷遠人日暮浩長歎

慨農

斗米不百錢貧兒濶舉步農夫走遑遑負貸籌征賦貴
賤有循環喜極還成慮銅穴滿鄰山銀坑舊多處人人
競刀錐何時見充裕賈生論殘賊寧徒侈俗喻硜硜愁
一隅誰能抉其蔽百川漲夏洪盈虛順時布泉涸仰天
雨財竭詎天付窮邊百事需悠悠何所據

漫興

天公逸我老何辭出處無多坎壈知懶慢漸深稀蠟屐
詩書相貺味含飴和陶蘇子龍馴性憶孟昌黎烏誤期
萬里交遊幾人在大車塵土只迷離

漾漚山中雜興

潁河西下漾江迴
礫砢天橋石隙開
鼉柱拄天凌跨絕

瀾瀾大壑轉雲雷

天生橋

條條飛瀑噴煙雲
誰鑿雙門透石根
松籟亂喧吹白雨

葱龍金碧滃斜曛

石門

神龍窟宅萬嶽峯
一簇雲晴一簇陰
了了畫屏峰十九

不知盤鬱此中深

金牛屯

丹青妙筆寫嶙峋
摹得靈奇氣未真
萬壑水聲千丈石

真龍下界不能馴

島石珍禽掠逝溪
嚶嚶林鳥綠陰迷
往來鷓響無鷺擾

倚足山深自在啼

梯田摺疊上層閣雲裏飛泉插稻秧一幅秧旗人一簇
山歌幽咽水山長

湖海豪遊夢杳然山公貺我好林泉瀾瀾雲氣江樓雨
五月清涼擁絮眠

溪雲漠漠漲江水野寺蓬蓬峭竹亭一線銅山來處路
蟬聲馬鐸鬧青山

雲瀑巖嵐拂畫簷忘情信宿正炎炎味山堂上看雲起
正是中峰那面尖

密場

雲需水蹇兩傍徨小用寧知大用臧人事萬金求象臧

普雲音界只尋常

聞蒙趙諸邑祈雨此
間早晚稻插已遍

盤盤孔道夾通關沸鬱江溥雪一灣鐵索橋頭好明月

千家燈火架鰲山

雲龍橋

藤橋梯逕趁夷墟棗柿胡桃菌笋薯戴箬衣麻裘卷傾
猶然古意燧羲初

山隱雲緇趙次芝我來暑雨漲江時蒼蒼樓上籠紗碧

重見袁宏醉後詩

次芝書樓東面點蒼袁蘇亭有題壁詩蒼蒼樓亦所題也

詩朋索句病難酬長日搢頤陋壤搜駭目河山都是翳
思量天地只悠悠

遐荒蠻觸遠誰懲倒水風雷救鹿崩渺邈天心開不早

哀牢山佃一層層

水經載永平此事甚異

博南淒惻渡蘭詞七縱心勞五月師誰辨當年擒虜處

青山高揭武鄉詞

路多武侯舊壘江橋有廟

擣齧奇兵用險能土蕃燄滅洱河澄功名不枉唐銅柱

無復遺踪弔九徵

銅柱今無存金牛屯是其處

萬畝平田浸一巔菟峰寺古鳳伽年憑欄西北山如海

披豁仇池別洞天

寺爲南詔舊建踞境最勝

山池一浴思悠然髣髴橫江惠濟泉注玉涵雲秦觀賦

味回一跋有蘇篇

塘子鋪湯池感舊遊

霽月

久雨不見月見月月幾望月盈不爲人爲人促炎涼涼

月坐忘寐千古入幽腸人月兩悠悠竹影垂低昂

遲月

山氣淡如水漸漸月出光桂魄天上花微聞風露香我
有幽巖樹樛如月樹長今年秋信遲粟粟始欲弄攀援
契情素與月相徜徉

張西園招看桂花

君家老桂百年物銀黃金紫雙連蟠年年花開宴朋友
濃香清飶酣涼天我昨南粵度秋暑番禺八幹空懷古
勞君花下苦相思詩成字字愁肺腑欽岑碣磳對輪枝
小山翻惜淹留時一笑兩翁猶健飲傾盡花前幾大卮

銅琴曲

風月巴渝舞蠻雲開掃粧銅絃凝響絳山調歛眉長鏡
閃梨雲影杯傳箬露香奚囊籌警句玉碎叫山凰

近日俚曲競唱七字高調猶是巴歛竹枝遺意但
有豔冶而無情思則非國風好色之謂矣因仿
其致得五曲

儂歡相隔一條河得過河來山又多便是深山也相赴
不防雲霧起前坡

今夜南橋月地晴與郎密約可憐生等到月斜郎不見
看看蹉過好月明

你若無心我便休

用古小曲句見語錄

儂歡可是不心投年年燕

子泥窩壘春好端知要綢繆

花落花開採芍時把來紅豆種相思相思種在胡麻地
實意虛情那不知

竹枝幽豔隔山林不辨歌詞祇辨音儂亦愛歌儂自唱
山長水遠是儂心

張壺山太守寄無所住齋隨筆印本

一帙微言寄紫城別來功行見專精著書今日難非贅
如理於人易發情山郡政成饒樂事吾儕道在不虛聲
猶思一櫂思江水踞勝臺邊話月明

奉和芷灣先生六妹詠原韻

西施

麋鹿蘇臺失翠眉，恩怨不任兩鴟夷。
連江珠帳埋香骨，曠代詩人入夢痴。
嘗膽君臣甘下策，捧心形影自愁思。
苧蘿村畔漪漪水，猶似春風舊浣時。

虞姬

坏土千年楚水濱，戚姬何處有芳塵。
重圍帳下數巡酒，一曲虞兮絕代人。
失勢英雄難局了，到頭女子係情真。
香魂不逐煙雲散，舞草離離豔影春。

昭君

白草黃沙向碧昏漢宮花月正紛縕畫圖那得無真贗
思意徒然費選掄比到知名成陌路可憐直道誤宮媛
春風底是多情物青塚年年拂翠痕

綠珠

滔滔狂水共浮沉才召牽連亂運深縱舍美人猶有患
却教豪士死甘心層樓曲沼犁雲夢玉管金徽谷鳥音
聞說白州多好女爲渠炎面到而今

木蘭

歡笑命娘喚女聲當窻花髻貼分明功名却讓庸男子
戰守全收脫兔兵氣質判然區秉賦柔嘉無借是精誠

春風東閣牀前竹夢斷濺濺黑水聲

紅拂

駭麟英雄識面真權門闖咽正昏塵記曾龍母雙貽婢
可道蛾眉此得人逆旅有髯呼一妹當窻理髮等長身
世途無限沈淪感自合雄雌劍有神

東湖別高仲光

俱向鄉園老相望百里間頻年憶攜手羨子深鍵關懶
慢子逾甚奔馳意得閒雙湖好秋柳前路又雲山

普陀崕

罷谷奔流下魚龍一壑愁路依仙掌峽石涌水犀頭習

坎渝常性摧堤惡下流行人心目眩別徑好誰籌

瓜喇坡

重巒登頓極一頓一重添但恣山靈意將無行者嫌崑
崙支幹感坤兌蹇蒙兼太占餘林箐皤皤樹有髯

白色皆長尋丈俗名樹鬍子

古音垂絲

黑泥哨

水聲鳴咽下憶切隴頭歌亂石纔冰蘚閒雲泥竹窠杉
皮鱗鱗屋齋壘燒連坡古戍堪停客宵寒火具多

己卯生日自感

太歲東方卯神仙會合佳百年強半過大藥幾時請眩

眼紛雲狗驚波賊海簞回頭思再壯白髮有陳蓼

忽忽又七載撫辰難自堪生同親物慶酒憶壽觥耽誕
甚顯揚思淒迷衰老甘悠悠泡影異歷歷一漚含

二萬餘千六稷稷計尺尋窮通消去日枉直已酸心甲
子旋今數雄雌守自任青鐙看細字娛老得謳吟

逸少分廿日淵明責子時憶來愁喜並一笑老夫癡去
歲蒼梧野今朝若水湄周旋從我我雲樹郁離離

別離素日惡老境倍情加絲竹賴陶寫寂寥殊自嗟遊
山同寄興懷古意無涯畢竟俗腸繞依依夢小茶

大道難言說雲飛水在瓶青蓮勘濟世坡老學存庭豪

氣馴初伏冥心得自寧黃花隨地好壽我一枝馨

猶記慈親語難酬王母恩彌留問湯餅含笑視雛孫續
世人移代當春草忘根剎那知究竟難了自心捫

天地悠悠爾勞人最有詩古來千萬首作者幾人垂聊
此祛愁寂云何恤笑啞喙鳴喙合此義漆園知

鶴釀頽然醉忘形飲量非舊遊江水上綵樂曉雲飛節
序新紅葉山光照雪輝頽心從委運陽雁入天微

曉望

殘月出樹鴉亂鳴寒鷄哢啞啼不停鴻雁低飛喚儔侶
離離曳曳山南征開門仰天風露清晴鳩乾鵲呼林坵

山城不聞人語聲，人事簡淡人氣寧。
衙鼓降盡日東出，對面一峰飛嵐青。

奉和王幼海太守麗江雜詠

千山奔驟悍難降，亞畫雙分萬仞江。
猿怒賓番交洞窟，羶裘牧獵雜耕穰。
窮夷薄賦蒙天鑑，久道繁滋等內邦。
郡壤沙漠多山壑，正年間改設流官蒙恩旨賦役從輕曾說壽星頻此降。
將僻陋鄙敦龐明嘉靖間壽星兩降民間出青麥鄉地跨鶴去

九月寒風落水聲，青天飛挂玉龍明。
雪威春夏雲煙蔽，歲事禾牟秀實成。
仁潤浩天真大巧，中邊異氣盡蕃生。
篤時虫豸冰難語，證道莊生妙得情。

河山大地總踰塵掩抑重重鬱漸伸若水灣環循若木
江源離合滙江津柔經遠討旄牛徵番國今馴花馬人
眼界放開天尺五聞風縹馬坦無嗔

倚檻平曠綠萬家龍湫葑翠染晴霞雲煙過雨鮮紅葉
峭蒨凝霜茁冷花俺跋盧香濃蕤篆雪山河水泌煎茶
寥天雁字回環出奇絕一峰珊碧斜

雌聲哺集趁墟屢鹽酪醍醐雜水鷄野路插香遊女禘
環壇啜酒主人先白狼有樂朝東漢旄旄尾遺風舞葛天
百載承平聲教樂青林白水繡神川

千千世界一婆娑此地終嫌雍闕多佛旨已昭東震且

番僧猶踵舊婆羅阿明毛索行占卜賞扁刀巴事鬼魔
阿明番僧別派結索以下云不識空王空法意竺乾流
緣佛結巾遺法刀巴僧巫也
轉更傳訛

結習悠悠縛繭絲較情風雅味差池離披自享千金帚
寂闌新增五俗詩地古邪龍荒誕意爪深鴻雁雪泥時
使君高唱鳳池調截竹低迷野老吹

懷古

迢遙師旅漢唐年竺國蕃邦萬里巔負險常羌避節使
瘁心李相駐籌邊宋家玉斧疆淪醋太弟革囊軍下天
麗江北宋時爲醋醋蠻所冥運壅通人事應難將得失
據元世祖首以此平大理

判釐然

雄兒不枉異牟尋章帥功名振遠音竿道萬靈殘獸吻
鐵橋一戰快人心空江鼓角波濤壯廢壘雲風草木深
往事艱辛爭險處寧知坦蕩似而今

角獸仁言現石門西天天意異常敦福城童子南詢切
鷄足飲光衣授尊阿育有孫來白飯麥宗遺字悚諸番
出來佛界分華樸平等真慈是道根

草昧徐徐到曉冷悠悠天地直酋冥雪山示象新峰現
關路占兵石鼓靈沿革難憑繡繹究險夷不盡古今經
輪迴却異佛離出秘默無由叩寧馨

龍泉巷懷馬子雲

平沙徧穢麥青青無畦畛曲折玉河水坦步臨東源稠
林互崖趾臺殿迴波潏澤沸爛錦石涵蓄滋津津清音
漱鳴玉倚徙瑩心神故人事方外樓房結僧鄰遠遊近
已歸近出復何因人事重婚宦何乃如浼塵我有一樽
酒念欲致殷勤躊躇憶子歸恍惚難可詢格格水禽飛
天寒林影曛

東河龍池觀魚

蕩蕩西源池涵浸雪山麓泡架上青鱗洞窟互起伏遊
人擲餌香攢簇銳騰蹕石白水空明日景盲泄涿鱗鬣

見織毫巨細凌翠駁得食坦無驚竦然喜人足牲醴報
龍宮漢茲秬稻熟人龍兩相資魚亦沾蔭沃茫茫天宇
恢靈奇踟荒服龍兮不余覲是中可研摧

解脫林

常日欲上雪山遊雪山路絕難攀尋王子招遊說勝概
十三峰首一搆解脫林木君先世龍象力垂創唐宋元
明今紅衣喇嘛僧祇律漢番龍藏古泥金厥林地氣不
嚴冷厥卉波利質優曇木仲同導遊勝跡處處諳平沙
十里沿西崖升陵溯谷雲滂滄雪峰出沒在人頂羣峭
疊嶂花拊衝漸高漸展勢迴側歧峰角立撐天尖山天

蔽虧兩無竟若木燄燄燦西崦問言石門路石門右出
江之濤十二欄干波連棧天橋飛挂接兩崑郡疆西盡
閩浮拓七十二嶺標瑤鏡靈奇恍惚富佛蹟龍父迦樓
諸天兼人生嗜奇哆遠覽有似萬卷中一蜩佛說世界
海驚心向若難窺覘旋身東北望羌蜀番橫賓錯袤延
斷隔江深深雪山過江陡一峯抱江三面抽東南南巖
萬仞落雪盡松參松間臺殿深潭潭雪光金碧濃莊
嚴幢幡圖幔飄影影石蓮綴翠千巖龕帝釋法樂聲宏
含最奇諸佛尊者像西天舊摹神冊冊紅衣五百眾分
證簇伽藍呼圖克圖今十齡終日默坐誰能堪此生有

情竟何措入世出世疇酸鹹殷勤問佛子含笑不肯談
看山飲酒且一醉下視城市紛煙嵐不見元家世祖開
滇始葆祠雪石威靈何炎炎鬼神盛衰有運會雪山一
白無凋劓風晴日暖山靈喜訝我茲遊良不凡番僧漢
語索題詠語言文字習氣沾苦云雲適大火雪山唱和
後林泉寂寞誰見探我行遍天下觸處成染賦詩成一
笑賦之賦王碧泉木友琴輿馬治具何慙心我友諧顧
况我徒從王恬此是崑都侖陽江源萬里最高處人間
幾能得此玉虛霞景莫絕之登臨日之月之嘉慶己卯
子月半題壁點蒼山人琛

月下

渾在層霄裏亭臺夜色融
煙紆平野澗月白四山空
巢影酣眠鳥禪心慧候虫
參他人境偈倒蔗啖衰翁

賦得四夏山吐月

炯炯照幽夢紙窗明夜深
月隴如睽客側仄與沿尋
天地無終極盈虧遞古今
偶然杜陵老異境落孤吟

夜坐

松風吹斷續搖蕩吼蒲牢
熠熠星辰大隆隆地軫高
晴山分遠雪漏海隱奔濤
泡影含遮異聲聞等是勞

與馬子雲巖懣齋野寺看梅

大雪山前老野梅，泉聲瀾瀾花亂開。
溪亭客醉不知晚，花底摩挲月上來。

郡學署有四家村之目戲呈孫芥菴廣文

衙牌高揭四家村，一樹梅花靜掩門。
四十年前同上舍，功名猶記伯鸞論。

涇鬚

奚收姜漁嘆老無詩人，祇是撚吟鬚。
白來也爲頻頻染，可惜蹉跎舊壯夫。

點蒼山人詩鈔卷八

太和沙 琛獻如著

人日漫興

燦燦頻伽簇杏花沈煙雙縷度簾斜詩書老我情千古
寂寞懷人天一涯春雨應時清似露雪山歛霧爛生霞
根深寧極山林分江汲洿通不損加

曉霽

曉氣清如水春聲鳥自慙林恬中夜籟雪閃四山雲長
景增平日澄懷寂覓聞俛爐攤古卷適我性情欣

新柳

一雪一番晴楊絲裊裊輕光風吹宛轉春意漸分明作
客動經歲攀條良此情芳菲豔桃李祇是惹愁縈

白沙

牛羊散原野市肆雜浮圖雪水壅沙麥茶粃膩塞酥界
通天界白山到雪山無却異春光好梅花擁路隅

雪山神廟

南詔僞稱北嶽元封北嶽
雪石之神石今存神座下

風馬雲旗影卻敵靖紛拏靈光留片石古木噪昏鴉閱
世沈蝸角崇禋竦翠華可憐屬荒遠遺廟墮齋斜

玉峰寺遇雪

林影翻雪浪風鈴發海漚寧知今夜雪不謬雪山遊天

女維摩室修龍若木洲凜然奇絕處兀坐倚危樓

曉霽遊玉湖

湖在第二峰麓浸漬雪水湖外皆沙澗無漸蓄矣峰頂嵌嶂萬狀洞谷林

不冰雀雪鼠諸動植纖微乘曉日照雪悉現湖影中如咫尺也逾時即風動湖波玉鱗閃灼矣

飛雪曉猶落玉湖俄已晴峰雲揭吞吐天鏡落晶瑩空
積人煙絕聽音雁隊驚忍寒頻照影失笑此何情

元夕黃山寺訪妙明上人

孤岑突平野覽盡雪千峰龐老西江水當機個裏逢何
時師返錫一笑我行踪相對不知晚冰輪上碧峰

大西寺看桃花

舊樹新條事等閒春風惱亂萼紅間疑情打破靈雲偈

一片桃花映雪山

共江厓

宛轉溪流漲綠波
沙禽山鳥啁聲和
畸田高下山爲畝
剝木縱橫水過河
桃李雜花村巷僻
羶裘趁集酒壚多
一般春色夷情樂
時聽嚶嚶隔崖歌

輿疾自遣

風氣驟能欺老骨
山靈不解庇吟人
蒙頭障面雲旋轆
撼石掀林水下津

慰我今宵病欲忘
鉅仙相送重徬徨
老頑未分匆匆死

臨水登山別意長

字泥別
馬子雲

狐裘羶絮幾曾溫
瓜喇山下古寒門
紅爐好與戰冰炭
勝負明朝帶孔捫

季梁歌病不須診
龍叔空衷遽擬痊
一汗始知身屬我
百年真與幻爲緣

兀兀驅程睡夢間
故人咫尺介湖灣
香雲澹沲梨花路
開過彌苴那岸山

杜陵有藥夜闌句
符仲攜圖廟口庄
何似大山排大水
豁然龍首是家鄉

雜感九首

昨日南海嶠今日若水江
峰巒遞變幻落落普雲幢
倚

徙入桂林翺翔玉山宮讀書忽有憶淵明此寄崢山海
詠披圖何似我行踪神仙不可學學之以神通

雨餘月晶晶天漢淨如玳天豈洗滌須塵昏進退耳大
風揚沙埃噫氣自起止道人遠城市制外頗得理所希
見本性性分無渣滓

食蕨不爲肥愛是古人餘豈惟古人餘甘香亦自殊春
雨萬物母於茲特敷腴珍食恥素餐草茹無虛拘濛濛
山上雲爲我深涵濡

采采阿揭陀山深雨雪重玉葉茁春雲礪砢金根紅首
疾云可療歷試標奇功我欲竟此藥濟彼夔柱窮僻遠

罕人識無由資遠通洗擷深澗泉浥浥色香濃

明月照海水海水揚其波海波不貯月潏潏拋金梭美人側明月層城碧嵯峨舉杯月窈窕舞影月婆婆相思共明月迢迢柰遠何

成連東入海老子西渡沙寂寞何所樂閱世厭紛拏點蒼在人寰洱水深周遮上有千里雲下有五色花燄燄足青霞霞仙以爲家

遊宦罹憂患餘患去猶纏閱歷見了義風花成妄緣粗糲與珍烹一飽知何賢楚楚耀華袞榮辱非一端達士小萬物泮浪塞深源死生爲一條鬼伯亦無權有無爲

一貫功分歸自然瑣瑣楊朱子涕泣素絲間

故人入我夢
轡車拂皋蘭
握手快言笑
吐彼笳吹喧
探懷示藥枝
苦云功用難
白鬚亦已黑
詎我高霜顛

素不解憂貧
貧乃適至斯
運會屬有竇
匹夫云何辭
獨鼈徐無鬼
得意適在茲
茲意亦何常
苑枯各有宜
時節嘆空疊
慰我奇字卮

紅杏山房近詩屬和徐州守王子卿爲東坡穎濱
兩先生黃樓中作生日詩原詩惜未得見感且

和之

觀生別我廿餘載
升沈火事各不侔
遺我墨山寫江曉

有時挂寘生我愁已聞出守憶往概盛事又見今黃樓
黃樓往蹟六百載生日更爲東坡酬生日置酒赤壁遊
李委一笛江悠悠儋州拄杖壽子由慰情雷海消幽憂那
知此日彭城守神絃歌管羅珍饈穎濱百日爲坡留兄
弟像設酣杯籌長篇短詠鑄琳球當年賓客盡豪士今
人古人相似不可惜山鄉七千里無從徧讀澄雙眸人
生聚散波浮漚人今人古心相勾芷灣太守坡也儔連
篇示我新詩鏤海深舟大風颺颺篇中一和王子獻酒
落直到坡心頭我亦爲坡浮一甌老坡一生羅譖毀生
日正坐磨蝎讐焚玉不灰精氣道我言福命公奇優大

道四素樂以周仙元佛奧通幽幽文章燄燄光九州隻
詞瑣事爭傳流下度有情無時休君不見嶺海最奇詩
入卷不緣竄謫也無由

晚步有懷高立方同年

合杳槐影重細草綠如罽洒洒雪花黃涼風脫然至偃
仰山水涯清和順時麗及物良有懷一出拙機事強欲
逐人熱無乃類襍襍思我同心人子子鶴州滋

雨夜

萬蕊千花宴玉清是仙是幻不分明綿綿曉夢追迤邐
聽徹聞堦夜雨聲

樓上

放倒車輪自舞僂免將白日費蹉跎蒼茫山海無今古
跌蕩雲煙擁嘯歌糖餌鎔魚千里計華冠置飯五升多
未明心地炎蒸酷颯颯浮涼一雨過

晚涼

嗜焉坐忘入無涯六月清涼透碧紗志業無當風釀食
夢情猶眩醫生花昌黎駑驥歌徒激曼倩龍蛇道並嘉
材不材中謀一似林泉煙月最清華

月下示生徒

桂影篩明月玲瓏葉露明庭階嘉樹植穠郁古人情籌

火連分舍儲書擁百城白頭人患屬那不共硜硜

感遠近計者

遊魚忘水躍沈波道到忘情屬至和皋壤不停哀樂繼
白頭更覺死生多古今神理歸芒芴鍾釜氓庶費接抄
人哭人歌吾亦爾畏途取戒是無何

大雨獨飲

捲海風濤瀉九垓百川氣勢滂沱沍墨雲亂擁之而掛
林籟高張廣樂聞臧紇解嘲初穩飲淵明獨坐又連醺
豪情猶愛樊川杜榘鼓奔觥召客慙

趙次芝索余舊寫穢舟圖小照索題一首與之

曩昔爲此圖諒言我似渠渠今不似我穉穉白髭須我
舟不了艤印否復印須我圖屬有懷空言無補直棄置
竟何惜做塵塵埃俱有時一披拂醜怪何盱盱厥壯不
如人莽莽真狂夫吾子異嗜好瓦礫珍珊瑚乞言且鑄
島勢將僊以祛莊子與在我棄取無乃殊且幸渠今我
飄花值茵瑜前詩大坦率盡盡追奔踣聊復識梗概失
笑詭痴符

書孟襄陽傳

一杯故人酒不願採前期不才明主棄誦詩須此詩羨
漁良有情豈不失機宜冷暖自天性時運誰與司幣聘

屬古則扣角歌已悲功名利奔競唐風嗟何衰踽踽孟
亭人直道無回蹊

七夕

牛郎悽切貫天錢天上人間一可憐一歲機襄歡一夕
忙他烏鵲萬千填

竊藥嫦娥獨舉觴寄情歌曲慰淒涼良宵正是如圭月
作底霓裳舞袖長

銀漢風恬靜碧漪悲歡歷歷夢回時長春雙婢塵情累
猶爲天孫惱合離

久雨憶月效李長吉

花邊一壺酒懷迷黃昏雨不得舉杯人邀月共影舞銀
燭淚幽夜漂騷紅桂香兩脚挂波簾溼雪貼天長月姊
在雲背白道湄秋睽未持照寸心颯颯下林籟

永平少府史淡初于趙次芝處題余熾舟圖示稿
奉答

自渡何如還渡人名言錫我味津津倉涼野水須叩否
縹緲虛船托意真薄宦君猶存正學衰年儂已悟迷因
慙他孟浩觀魚句多寫湖邊一小輪

楊蔗園趙紫笈張西園並過看桂花

粟粟桂花滿秋深新霽間海平三島樹雲褪一樓山逾

月良朋濶長談百感刪芳情宜楚醕杯影落斑斕

望南山寄懷景園同年

秋色敞南山山南蒼翠間懷君各寂寞久雨信音慳吾
道無枯苑天遊屬宴閒一杯思遠共爲我畫孱顏

奉和張蘿山司馬洱海樓詩寄懷壺山觀察

訪舊情深舊院遊新傳好句洱河秋馳驅勞宦得山水
今古前塵判去留潞翠接天開鏡匣時暉搖影上波樓
此情好爲難兄寄一片涼風到古州

晚菊

晚菊恒佳色冒黎感少年我今亦衰老能飲且猶然

古情何及悲秋
白憐一杯聊與醉
花下小遊仙

短檠

長宵宜短檠
光耀待清恬
菊影雪千疊
雨聲秋一簾
古人池雁香
青史蠹魚散
富貴與閒適
由來不可兼

望郡學占银杏樹

礫硠烏巢露
遠枝漫空蝴蝶趁
風吹秋深大木出
夭矯
天半黃雲森陸離
孤獨圍金鋪
燦燦塗山禹樹鬱
垂垂
俗呼禹
拜樹
非闕材大難爲用
得得年深始見奇

小春花

水竹霜松花共清
小春真個屬花名
三分紅白一分紫

十月海棠二月櫻
鶴拓行雲滃峭蒨
點蒼冰雪蘸晶瑩
菊衰蘭瘁芙蓉萎
豔我園林閨淡情

哀楊大令固堂

楚鄉盼到舊雲霓
鬼檄官符兩克期
忍渴盜泉眞賜死
苦心家累共饑驅
微名枉棄漁樵樂
經術須憑福命施
人益受難天損易
鼓琴編曲更心悲

大雪

鄉諺占雲海蓋屯
是風是雪漸煙昏
霏微纔似塵吹息

竹裏髻鬆白一痕

海上雲屯名海蓋
非雪則大風矣

崢嶸梅萼暖遲開
瓷斗茸茸點翠苔
礫砢苔岑初半尺

溟濛天地大恢恢

牆角芭蕉素點明
清機一片凍晶瑩
琤琮不住琉璃鉞
畫裏奇情不到聲

頻年山雪不來城
痲癘秋災劇可驚
今夜霏霏應數尺
凝神姑射意分明

月下漫興

山雪溪雲夜不分
雪泥爪印落鴻羣
天空不厭雲行月
人事無聊泥憶雪
守黑老聃過自計
出迷阿難拙多聞
了然心境俱無住
却笑詩成作麼云

晚步

海月照雪不辨雪中隔一城蒼林煙山雪照海碎海月
萬千白毫光相圓我家門前東流水穿林亘月明濺濺
萬瓦波稜浩星漢踏踏雪影梅花繁塵埃百雜了無著
獨與靜者情周旋道人三印泥空水賸義隱約難究宣
自有此月有此山山雪常在有無問適然會合值我閒
郊吟島詠不凍寒因天之遊無有邊闊浮一鏡初中天
看梅花遂至青石橋王徙菴書館不值

梅花樹樹趁晴陰迢遞東園更北園繞郭雪岑塵氣杪
先春草色水邊痕
人錯愕客迂徑童子指纔師出門
我並看花來看友
石真寓城如寓村
蠶煩不到讀書處

林壑聊專獨行尊，
地同情各蕭灑。
雲恬風靜自寒溫，
聲嘶蚓竅茶鐺火。
日午峰潮石荔垣，
歸路更尋楊子宅。
林深花密轉城根。

水仙

獷狻天公孕玉團，
幽香弱骨鬪嚴寒。
仙人夢影弄雲水，
落月曉煙留姍姍。

照水梅俗傳三丰，
真人所爲滇梅遂有此種。

移燈梅樹下，
梅影高浮空。
的的梅花心，
爲我披欸暹映。
水花面仰舉，
杯花露融花。
開劇狻獷云，
自邈邈翁仙人。
苦無事一寓，
化物功仙來。
不我見見仙，
梅花踪問訊梅。

花踪遙遙今古重

會飲三慧寺遇風宿楊卓菴書樓

期期一會費招邀
驀地風號萬葉飄
短策拄來雲駮駮
良談響壓樹調刁
海波蕩滂浮天閃
崖壘離奇帶雪消
惜取歡遊殘序裏
拌將鯨飲敵寒宵

落梅花寄楊濟宇

幾度看花尋舊友
梅花拂面飄紛紛
歸路又逐飛花去
東寺梅花纔珠攢
梅花春遲苔斑斑
老僧趨客步蹒跚
一生啞羊亦衰殘
喃喃却話今昔事
手種此梅今輪囷
門前左右南東園
年年梅花到桃李
遊人酒讌歌絃喧

卽今寂寞非偶然錢場改廢園改觀人家池館消雲煙
僧祇淡薄云何歎從來世局例如此我輩看花此不干
一觴一詠惜風景覓人不值心拳拳豐年殘臘人專煩
人自鹿鹿花自閒最好飛花蕩逸間我與梅花情周旋

庚辰除夕

風雲物色釀春先樺燭薪盆萬井煙二十五年年盡夜
卒三更夜夜元年悲歡并入微吟裏草莽低回萬里天
復旦光華垂老見殷心益稷仰時賢

人日

人日清無事情增白髮人燒痕深貯雪霰雨冷融春聞

見古歡遠恬虛斗室踐高山良駟策少壯已前塵

獨遊

連宵足風雨春色滿遙岑獨興去人遠友聲慙鳥吟竹
煙隨水漫林日透花深萬象供吾暇豔陽舒驟駁

漫成

不定陰晴曉霧霏敷曾蕙服不稍遠梅花滿地魂銷別
竹葉如鍼雨應機眠食自諳蠶蠹齋醒猶戀蝶飛飛
蘭成淒豔擒春賦極意歡遊也不非

遮眼經書托意微白頭丙燭當朝暉取半尺榘聊自誑
畢羅萬物究非歸竄生荒遠我殺我踐道污隆機入機

得失茫茫臧獲異空鈎意釣上漁磯

看花連月未心違穠李天桃爛夕霏
猛士難翻日車轉
白頭欲破鐵山圍
蝸牛蠻觸人歌哭
氓隸螭螟地廣稀
調世尹文思強
聒不嫌弟子共師饑

枯寂無聊句自揮
公家風月餉王微
祛衣難墮天花落
攬鏡纔知舊影非
雲裏好山紛瑤珞
春深洲渚變煙霏
迴風隱地神仙術
妙用原來是息機

題王樂山萬里還山圖

深山一念起蒼生
風雨塗泥曉夜情
一令賸銷情幾許
家山風月夢分明

長亭煙柳渡頭船
千古英雄此著鞭
寫向歸人圖畫裏
成虧知落阿誰邊

名山何處不青青
天地遺廬水在瓶
亮眼一編新說緯
河汾弟子播傳經

多年逐客等冥鴻
僕僕猶懷聒世風
今日兩頭權出處
輸君安意作山翁

聞承北軍營信

人海重重關邊隅
更有邊笳西諸虜
部應痛沒蕃年耕
鑿安王化昆虫適
遠天何來肆蠻觸
膠擾赤蝸涎軍門
馳介馬廉使赴籌師
示弱猶能狡持堅
亦有詞山深巢

穴幻種雜莠良疑撫勦多頭緒還須理亂絲

此禍黔中劇苗夷苦漢氓田塲盤剝盡性命賄拌輕曲
突誰相戒頑山鬱不平東鄰蛤水上軼出已堪驚

豕北交寧遠衰延十日程棚民黔蜀楚萬眾火山耕焚
殪同時雁奔逃疊嶺橫可憐橫目類虵豕太無情

世界山爲累包藏厚毒氛漢姦狼狽合苗獮歷墟分火
礮移長技江防倚制軍春耕猶未擾撲滅停音聞

夜坐

寂聞跣趺愜坐馳青鐙搖影動花枝百年人事成衰老
靜夜鐘聲聽卽離雲勢輪囷風響掣星芒烱睽月生遲

慰情春霽連旬日遠近軍營赴集師

立夏日

夢情等似落花緣高樹禽聲遠近邊往事過雲心不住
殘編白首信彌堅青春半得微吟裏美睡甘回欲曙天
節日課梨人望雨一簾濃綠露芊芊

夜風

無憑花信攬花天廿四番過更放顛篩影亂雲忙走月
撼林急雨散飛煙等知萬竅誰爲籟了當聲塵屬妄緣
却憶成連東島上瀟山砵湃海無邊

燕雛

閒庭清書思無何檢點黃梅探漸多
雛燕試飛風雨怯
翩紛一陣搶簾波

杜鵑

過眼豪華總幻塵莫須杜宇恨前因
聲聲悽婉啼紅血
豔染花枝別自春

布穀

布穀催耕語字圓山田含雨樹含煙
江南豔說鱗魚鳥
占斷清和買醉天

月上

炎蒸兀兀坐低迷海上濃雲壓岸齊
雲隊月升遲刻漏

水明木瑟碾玻璃吹鐙窻影上松桂適意人間懷阮嵇
欲辨忘言言亦泮小鮮原不費坐蹄

倚樓

尋壑經邱漸欲慵樓頭一片翠丰茸雲煙澹迤青山趾
天地氤氳細雨中晦蹟自便聞見隔冥心頓覺古今同
莫須幻視人間世散木初知大用工

中夜起步

鬱熱不成寐踈履行中庭缺月上屋角冥濛煙霧輕浩
露溼蕉葉弱竹含風清微涼意自得起念亦已平齋眾
日焚和火月殊所膺默默自溲繫寂寞云何憎

聽雨

萬葉淙淙合鏡殘夜不分雨音濃入睡夢影誕於雲濟
旱傳崖遠助歌桑戶聞了然忘醒醉天籟自泫泫

樓月

海氣凝虛白山嵐重積譬俄延圓月上層疊曩葱低沈
影浮宗壁同懷惜謝梯木犀聞也未消息不吾睽

曉山

日上峰頂翠駁皴鱗互城郭旦景遲樓邊動煙樹

紀夢

雲頽波激撼籠窅吐吐浮沈噴碧驄大海鱗鬚千萬狀

了無靈蠢浪淘中

病中

臥疾聽淫雨雨聲何濺濺雲氣昏夜燭銀溜沸朝簷等
是行路難伏枕亦何嫌天地於老物寒燠爲苛嚴生熟
老而病數一至二三戰病恃藥餌羸師何由戡我有外
身術百惡爲避潛儲此三年艾小試隨所拈家人詫吟
呻俯被疑我譎脫然自起坐雨意方沈酣茫茫人間世
未來誰能諳

臥起

老至無輿力行動屢步趨頗覺黔妻子累茲碩膚軀臥

疾二十日形神苦拘拘起來自恍惚輕便得舒徐披衣
頰扣寬理帶綽有餘急急自攬鏡庶幾儒仙癩扶杖入
山水飄我雲霞裙蒼蒼逸我老亦以適我娛言尋紫笈
翁同病亦同瘡丹鼎竟何得不如任運俱

夜起

溪泉激清響霜露炯寒菲月午山煙白流螢泥竹飛

善樓夜眺

樹杪星宿低山頭雪影深夜色做高樓寥天官沈沈搖
搖漁火出熠熠波浪侵風霜夜不息謀生江海潯生徒
坐讀書然膏恣討尋勞逸洵所異志業各自任聖在理

則存致用無古今此日足可惜
饜茲讀書心來日足可惜
此心將何詣已來未來問吾與更沈吟

同趙紫笈楊永叔遊鳳岡寺宿董紹西書樓張槐
堂楊兩蒼兩生招趙次芝諸友來會泛兩湖復
飲海亭上

淺草平沙信短筇出城秋色倍歡悰
千山層翠濃於染
一點金沙大雪峰

和會寺前煙雨過神仙石硯青盤陀可誠此地憑書券
不道降魔是誑魔

陝古通載大士降魔
事寺側石硯宛然

白頭三叟狎村觴傾倒兩生賓從忙
微雨過林雲過海

溶溶夜色炯湖光

極浦樓臺蕩影懸漫空秋柳斂晴煙重傾雪鏡湖心酒
畫艇風光是隔年

層層黃葉錦流蘇點點萍花漾碧瑜惜取清光秋更好
人情誰此破功夫

雞足點蒼中百里展將天海碧油油峭帆明滅斜陽裏
渺渺雲煙泊遠愁

每來亭上諷閩印唐跡空餘古句留日暮梵鍾清響徹
迴船猶自愛芳洲

出北郭迂路西橋

嘹唳長空雁轉行連山新雪駐晴光碧溪幽草禱霜色
黃葉遠村留夕陽看客每成遲答報出城饒是且徜徉
應知老態多如此適意南華帶履忘

城東園林看小春花

林外屏山雪影篩小春花色渲胭脂化工巧畫移人入
落葉橋頭小竚時

偶興

放脚荒江雪霽新曠然清醉見天真東坡書帖深懷舊
却把天遊領會人

得公車楊丹亭書并示在京諸友佳意

鐵圍重重山盤紆學道無成成守株讀書壯志今畫餅
蕭蕭白髮從佃漁九重復旦新命初九牧薦士通污瀦
鴻毛順風好運會懸猶不獵寧云無去日已去浮雲徂
攢眉舊軌是鹽車感深萬里同心友難報迴腸曲折書

題馬蘭凝少尹拜梅圖

前年遇君昆海涓我出遠遊君棲遲龍潭花下一杯酒
後先值君拜梅時前年我遊大雪山看徧梅花冰雪間
我昨歸南君北去匆匆一夕無盤桓紫城風月點蒼煙
老圃梅花相對閒大雪峰尖照淚水思君政洽邊城美
江淮萬里故交稀喜君近在金沙沚書來示我拜梅圖

圖中一一清堪指黑龍潭水山盤紆古觀重臺花兩株
山靈水聖千年扶紅玉鱗鱗蛟龍躩花奇格異梅中無
看花值堪人拜倒况君失職情踟躕別花一去難追慕
圖盡讀君詩詩情淒以慨詩前并寫畫圖由苴苴細密
游絲字七十三齡翁眼明精神矍鑠仙人慧仙尉風流
混跡深怪與梅花是真契世事浮雲變幻輕看花較是
眼分明宦情我亦思江皖何似花間遂此生相思敘語
聊題句抵共圖中一片情

大風中望夫雲極詭奇之致復系以長句

一風彌日吹林檎萬竅怒號人眴眴匪風之眴雲之彌

此雲一縷探朝暎蓬蓬挾風以自神陸離光怪旋風輪
雌龍尋夫古所云號呼激浪排海門海門軒軒石龍喧
喧何軒奴軒海東亦有雲海西亦有雲茲雲一出諸雲
泯遐荒異氣蟠厚坤山澤洞達氣吐吞窮冬閉塞鬱以
噴如海六月颶母奔厥常厥異理則均點蒼之奇奇以
雲彌年無日不氤氳歛關變化何雌龍之因寒空寂寞
以繽紛不厭開簾對一樽

銀場嘅

踐地恃無蹤相忘踐博良可憐空僻地也變奪攘場青
山變銀坑曾不給鑿齒採鑿禁嶺南唐律尙如此淺土

得鑛微大鑛入土深屢見鑛埋人柰茲得鑛心豔色洋
琴妓狐裘麗麥醪饑驅臙蟻子火迫土財豪然頭鎗穴
絳灼骨鑛爐煎欲火纏生死吹吹鴉片煙寶鑛耀睛紅
馴然起爭奪爭奪至殺掠身命亦忘却珍怪禍爾黎東
坡妙苦言矧茲滇廠銀遊三粵根源以銀爲衣食銀多
侈用促何由返農桑狹鄉耕亦足

歲暮感懷

草野惟憑化轉移塵埃社跡也非癡詩成日歷怕怕積
酒逐人情漸漸醜風葉半瀦流水徑雪山不斷起雲時
回頭却怨秋淫雨又苦山鄉一歲饑

溫磨爐火撥灰殘
蘸水芳梅映壁看
進暮增多兒女子
勃蹊難擬軸
邁寬落花貴賤憑
風力靈簡精華泥
古歡
壯志蹉跎今白首
儘飽日月跳雙丸

四素情知願外非
林泉雖好遯難肥
著書餘濟古人盡
袖手窮鄉百具腓
島瘦郊寒攄句僻
鵬搏鳩控劃天飛
榮枯都付悠悠裏
往日交遊夢亦稀

偶檢詩人陸劔南
說閒說老說荒酖
重煩萬首無聊極
消遣殘年借此堪
使盡英雄當路絀
拈來風月自情諳
可憐猶帶不平氣
放浪蕭騷巧詠涵

元夕步月

雨過凝陰駁雲歸澹沲輕人情趨此夜月色放佳晴歲
儉張燈絀山空映雪明陽春曾不啻風景自澄瑩

春暖

雨雨風風半未開開晴斜日漾雲丹桃花弄影低簾角
草色含滋動雪巒攤卷蠹驚殘粉落打窻蜂出一聲歡
韶華最好蕭閒裏惟有亡何遣意難

春陰

疏雨時有聲春陰靜兀兀夜碧逗雲影梨花浸微月了
知春已深不覺坐悠悠輕轆壯盛年衰老復何恤天臺
坐忘論吾以事休逸

花樹

明月照春樹楚楚花可憐
花飛月下弦濃綠暗晴煙
風露有涵濡坐久亦凄然
今夕一樽酒昨夕酒一樽
去日不須惜惜此花樹春

遣興

慈氏開平等情通展聖和
絲歧堪痛哭人我一無何
惡竹嬌新笋名花委逝波
酸風兼澁雨春向此中過

獨斟

岑寂一壺酒新花侑舉觴
百年長此醉不落嗣宗狂
豆角烹新翠椿芽萼鬱香
熊魚分別處野老亦胥忘

久雨

子規啼罷鶉姑啼門外泥深草沒蹊日暮樓頭望煙雨
青山如夢著低迷

偶以山花深房者注飲遂至醉

冰肌焯約雪中春花市山花選豔新便摘花房斟露酒
却將獨醉學靈均

城野迫仰小熟雨勢已屆黃梅

時節諳梅雨人心注麥秋都忙充腹計並作補瘡謀山
界崎嶇萃林皋哀樂稠滑釐珠粟願及物一鍾優

後序

士大夫出而問世知有仁愛及民不知所謂榮辱也仁
愛及之矣而措諸事業有不當君子不深譏焉仁愛之
不及而求事業之偶合渺乎小矣事業之偶歧而求有
當於詞章抑又小矣故詞章者古之君子偶一寓意而
無足輕重者也昔者東坡氏未嘗不以詩名而不朽盛
名始於黃州之貶知此老胸中別有大事業在其蓄而
未發者殆百倍於詩也世風日下得意卽以爲榮失意
卽以爲辱而於民間疾苦如秦人視越人之肥瘠漠然
無所動於中獨沾沾焉從事於詩者不過爲弋取名譽

計與古人所謂詩以理性情者左矣予外曾王父古榆
沙獻如先生溫柔敦厚長者也前清乾嘉間作
歷任懷甯建德霍邱等縣皆有仁愛及民嗣將去霍邱
爲後任以承審逆案不實舉發其罪例戍邊而一時懷
甯建德霍邱士民咸具公呈代贖罪大吏以聞於朝遂
得免凡以見甘棠遺愛黍雨留恩不是過也予自吾滇
光復後從戎於榆其裔孫以公之詩集行述見贈受而
讀之知公之惠及窮黎故能深入人心如此間以其餘
發爲詩章又能抒寫性情得古人風雅之旨因兵燹火
其原板今特爲重刊以廣流傳俾世之忝然民上僅以

詩人自命而不知仁愛及民者讀先生詩而有以自警
也是爲序歲在民國乙卯秋九月外曾孫王廷治謹識